

**Oqaasiliortut aggustip 19-anni 2004, nal. 10.00 Oqaasileriffimmi ataatsi-  
miinnerannit imaqarniliaq.**

Peqataasut: Carl Chr. Olsen, Ellen Jensen, Liisi Egede Hegelund Nuka Møller.  
Stephen Heilmann peqquteqarluni peqataanngilaq  
Immikkut aggersagaq: Ole Birch, Nutserisoqarfiup pisortaa  
Allatsigalugu: Pia N. Knudsen.

*Oqaluuserisassat:*


1. Ilisimatitsissutit
2. Ole Birch, Nutserisoqarfiup suliassaqarfia pillugu
3. Nordisk Sprogmede, Tórshavn
4. Nordens Sprogkonvention
5. Taasariaqartut allat

CCO: Ilisimatitsissutit pitinnagit oqaluuserisassat aappaat aallarniutigalugu  
ataatsimiinneq ingerlanneqassasoq CCO- siunnersuutigaa, Oqaasiliortunut ilaa-  
sortanit akuerineqarpoq.

-2 pillugu-

CCO: Ole Birch Nutserisoqarfiup ittua Oqaasiliortut ataatsimiinnerannut agger-  
sarneqarpoq Statsministeriap Nalunaarutit-nik nutserisarnerata Kalaallit Nu-  
naannut nuutsinneqarnissaanik siunnersuut pillugu.

OB: Nalunaarutit-nik nutserisarneq Statsministeriami ingerlanneqarsimasoq Ka-  
laallit Nunaannut nuutinneqassasoq, nutsigassallu Nutserisoqarfimmit isumagi-  
neqartalernissaat suliarineqartalernissaallu siunnersuutigineqarsimapput.



Nutsigassanik nutserisalernissaq 1. januar 2005 aallarnerfigalugu ingerlanneqalissasoq siunnersuutigineqarsimavoq, Statsministeriami nutserisutoqqap utoqqalinersiuteqalernissaa pissutigalugu.

Statsministeriami nutserisup isumagisartagai tassaapput:

- Ataatsimiititalianit nutsigassat Kalaallit Nunaannut tunngassutillit.
- FN resolutionit Kalaallit Nunaannut tunngasortaasa nutserneri.
- Rapportit assigningsut Kalaallit Nunaannut tunngasortaasa nutserneri.

Nutserisoqarfiup nuutsitsinissamik siunnersuutip aaqquissuulluakkamik ingerlanneqarnissaa anguniarlugu isumaqatigiinninniarnermi peqataatitaqarnissartik kissaatigisimavaat.

- 1 pillugu-

CCO: KANUKOKA-p aamma Securitasip nalunaarsuusiaat naammassillugit su-liarineqarput.


Killiffilersuutit naqiterteqqinneri naammassilerput.

Peqqinnissaqarfinni taaguutit naqiterneqarpoq.

Pia N. Knudsen atorfimminit tunualerpoq Upernavimmut angerlalernini pequti galugu.

Inuit Studies Conference Calgarymi, Canadami, ingerlanneqarmat Oqaasileriffimmi sulisut (Carl Chr. Olsen, Per Langgård, Bolatta Vahl, Lisathe Møller) peqataapput.

CCO-p saqqummiuppaa Sprogpolitik, Per Langgårdip Sprogteknologi, Bolatta Vahlip Taaguutinik sulinerup saqqummiunnissaata pingaarutaa, Lisathe Møllerip taaguutilerineq.



- 3 pillugu-

CCO: Nordisk Sprog møde aggustip 27-anni 28-annilu Tórshavnimi ingerlan-  
neqartussaq Stephen Heilmannip Liisi Egede Hegelundillu peqataaffigissavaat.

Nordisk Sprog mødeimi aaqqissuisunit aalajangerneqartarpoq kikkut oqalugias-  
sanersut, tassani ilisimasallit oqalugiartarput, oqalugiartoqareeraangat oqallitto-  
qartarluni.

Oqaasiliortut suliaminnik minutsini qulini saqqumiisarput.

- 4 pillugu-

CCO: Nordisk Sprogkonventionimi CCO aamma Stephen Heilmann peqataaniku-  
upput.

Selvstyreområdet Sprogkonventionimut ilaalernissaat siunnersutigineqarpoq.

Massakkut Nunani avannarlerni tamani tusarniaassutigineqarpoq, Selvstyreom-  
rådini najugallit nunani avannarlerni allani sullinneqassagunik namminneq  
oqaatsitik atorlugit sullinneqarnissaminnik kissaateqartalersinnaaneri pillugu.

- 5 pillugu-

Taasariaqartunik allanik eqqaasassaqqartoqqanngilaq.

**Tulliani ataatsimiinnissaq kingusinnerusukkut nalunaarutigineqarumaar-  
poq.**

Carl Chr. Olsen

Siulittaasoq

Pia N. Knudsen

Allatsi